



An Roinn Leanaí, Comhionannais,
Míchumais, Lánpháirtíochta agus Óige
Department of Children, Equality,
Disability, Integration and Youth

Cathain is féidir liom cur isteach ar thacaíochtaí spriocdhírthe AIM?

Ba cheart iarratais ar thacaíochtaí spriocdhírthe a dhéanamh faoi mhí na Bealtaine chun go mbeidh siad i bhfeidhm roimh thús na bliana réamhscoile, ach is féidir cur isteach orthu am ar bith sa bhliain, áfach.

I gcás leanaí a bhfuil riachtanais níos casta acu, spreagtar tuismitheoirí agus soláthraithe réamhscoile iarratas a dhéanamh go luath.

Is féidir teacht ar na sonraí iomlána ar láithreán gréasáin AIM www.aim.gov.ie.



Cá féidir liom teacht ar eolas breise?

Is féidir teacht ar eolas níos mionsonraithe faoi AIM ag www.aim.gov.ie.

Beidh do Choiste Contae nó Cathrach i gCúram Leanaí (CCC) áitiúil in ann eolas agus treoir bhreise a thabhairt freisin. Is féidir teacht ar naisc le gach CCC freisin ag www.aim.gov.ie.

Tionscnamh de chuid na Roinne Leanaí, Comhionannais,
Míchumais, Imeascha agus Óige



Rialtas na hÉireann
Government of Ireland



An dteastaíonn tacaíocht ó do leanbh chun teacht ar an réamhscoil?

Is féidir le tacaíochtaí AIM cabhrú le do leanbh a lánchumas a bhaint amach.



Cad é AIM?

Samhail tacaíochtaí is ea an **tSamhail um Rochtain agus Cuimsiú (AIM)** atá in ainm is ionchuimsiú a chur chun cinn agus a chinntiú gur féidir le leanaí faoi mhíchumas páirt bhríoch a ghlacadh i gclár **Chúram agus Oideachas na Luath-Óige (ECCE)** saor in aisce réamhscoile i suíomhanna réamhscoile príomhshrutha.

Samhail leanbhárnach is ea AIM, ina gcuirtear réimse tacaíochtaí uilíocha agus spriocdhírthe ar fáil. Cuireann sé tacaíochtaí saincheaptha praiticiúla ar fáil bunaithe ar ghá agus **ní gá diagnóis fhoirmiúil a dhéanamh ar mhíchumas mar chuid de.**



Tacaíochtaí Uilíocha AIM – suíomhanna ionchuimsitheacha a chur chun cinn

Tá tacaíochtaí uilíocha in ainm is cultúr ionchuimsitheach laistigh de shuíomhanna réamhscoile a chur chun cinn agus tacú leo.

Tá oiliúint chun tacú le cleachtas ionchuimsitheach ar fáil do bhainisteoirí agus don fhoireann réamhscoile. Áirítear leis an oiliúint seo ar mhíchumas agus ionchuimsiú cúrsaí i bpróiseáil chéadfach, teanga chomharthaíochta agus cúram a thabhairt do leanaí a bhfuil riachtanais leighis níos casta acu.

C áilíocht Dámhachtana Sainchuspóra Leibhéal 6 é an Clár LINC (Ceannaireacht d'Ionchuimsiú i Luathbhlianta) a chistíonn an Roinn Leanaí, Comhionannais, Míchumais, Lánpháirtíochta agus Óige (DCEDIY).

Tacaíochtaí Spriocdhírthe AIM

I gcás go leor leanaí, ba leor tacaíochtaí uilíocha AIM le hionchuimsiú a chinntiú.

B'fhéidir go dteastóidh tacaíocht amháin nó níos mó bhreise ar leith ó roinnt leanaí lena chinntiú gur féidir leo páirt iomlán a ghlacadh i gclár ECCE.

D'fhéadfadh sainchomhairle agus saintacaíocht, **saintrealamh nó fearais, mionathruithe ar fhoirgneamh, idirghabháil theiripeach nó cúnamh breise** sa seomra réamhscoile a bheith i gceist leis na tacaíochtaí breise seo.

Cé nach gcistíonn AIM Cúntóirí Riachtanas Speisialta (SNAanna), is féidir cistíú a sholáthar i gcásanna áirithe leis **an gcóimheas idir leanaí agus daoine fásta** sa seomra réamhscoile a laghdú nó le ball foirne breise a chistíú mar acmhainn chomhroinnte le leanaí eile sa suíomh ECCE.



Is féidir iarratais a dhéanamh ó mhí na Bealtaine gach bliain ar Chlár Bhliain ECCE, a thosaíonn i Meán Fómhair

Téigh go dtí www.aim.gov.ie chun teacht ar eolas breise



Conas is féidir liom cur isteach ar thacaíochtaí spriocdhírthe AIM?

Ní féidir **iarratais** a dhéanamh ar thacaíochtaí spriocdhírthe AIM ach trí shuíomh réamhscoile.

Is féidir le suíomhanna réamhscoile agus tuismitheoirí/caomhnóirí/cúramóirí iarratais a dhéanamh le chéile.

Is féidir teacht ar **chomhairle agus tacaíocht** ó Speisialtóirí Luathbhlianta Tús Níos Fearn ar an nguthán trí ghlaoch ar 01-511 7222, nó trí ríomhphost a sheoladh chuig EYPC@pobal.ie nó trí theagmháil a dhéanamh le do CCC áitiúil ag myccc.ie.

Is féidir le soláthraithe réamhscoile iarratais a dhéanamh ar **shainchomhairle ó Shainseirbhís Luathbhlianta Tús Níos Fearn (EYSS) do Sheirbhís Teiripe agus caipitíocht bhreise, shaintrealamh, fearais nó ar dheontas i dtreo mionathruithe** i gcomhar le tuismitheoirí, caomhnóirí nó cúramóirí tríd an bhfoirm iarratais ar ardán an *Hive* Luathbhlianta.

Déanfaidh Tús Níos Fearn, a mbreithneoidh a Speisialtóirí Luathbhlianta láidreachtaí agus riachtanais an linbh agus an tsuímh, measúnú ar iarratais.